

**Ekonomi Malaysia Terus Baik, Kata RBS  
Bernama  
29 Januari, 2013**

KUALA LUMPUR, 29 Jan (Bernama) -- The Royal Bank of Scotland plc (RBS) berkata yang ia "kian positif" ke atas ekonomi Malaysia dengan negara menyaksikan pertumbuhan dan "dasar fiskal ketat" kerajaan.

Dalam laporan Tinjauan Ekonomi Asia 2013nya, ia berkata eksport dan eksport elektronik telah mencecah kitaran tekanan dan telah mula berkembang secara sederhana.

"Mencerminkan penambahbaikan ini serta membina semula inventori, aktiviti pembuatan telah melantun semula pada rentak yang lebih pantas. Peningkatan eksport telah memasuki tempoh permintaan domestik yang telah sedia kukuh," kata penganalisis RBS, Sanjay Mathur, yang juga ketua penyelidik ekonomi Asia Pasifik.

Laporan itu juga berkata petunjuk pengguna termasuk jualan kereta penumpang dan "pengedaran mata wang" juga telah meningkat sejak dua bulan lepas dan coraknya mungkin kekal, dengan mengambil kira tahap sentimen pengguna dan tinjauan pekerja.

Petunjuk pelaburan seperti jualan kenderaan komersil, pengumpulan dana di pasaran modal dan import barangan modal juga telah kukuh sementara kerajaan terus mengetatkan dasar fiskalnya.

Sementara itu, minat asing dalam bon domestik berterusan, harga komoditi yang kukuh dan selera risiko global telah menyokong prestasi ringgit.

Bagaimanapun, ia menambah yang risiko utama ialah pilihan raya yang bakal diadakan serta elemen ketidakpastiannya.

-- BERNAMA

Copyright © 2013 BERNAMA

Source: <http://www.bernama.com/bernama/v6/bm/newsindex.php?id=924696>